

正德南康府志

南康府誌序

正德乙亥歲余嘗閱南康府誌公暇
脩之凡一郡之顛末自沿革以至詩
類筆之郡齋因舊爲新去繆存正補
遺汰冗以成郡誌嘗梓行矣茲郡築
城分邑皆盛舉也不可以無誌復攷
訂爲新誌云按府治面鄱湖負廬阜
屬星都建安四邑而星子負郭焉考
之府治自古無城至我

前序

朝百五十年来亦未城正德六年北寇
奄至焚掠蕭然余正德二年以中臺
來守茲土未幾以憂去七年復補此
以公帑不敷乃築土城守之壞于雨
易以蠻石越明年壞者過半遂請于
當道鑿東古山城之已卯歲夏城垂
完值寧賊謀變中沮至庚辰之正月

訖工凡城樓門鍵箭臺水閘之類罔
不堅緻牢密爲保障生民久遠圖建
昌在府治百二十里安義等五鄉又
去建昌百里許聲教弗及民染土俗
往往梗化爲一郡累余嘗建白當道
議割五鄉爲縣縣以安義鄉名按察
副使宗公璽疏于

朝命下制府孫公燧經畫分縣張官預

前序

印壙邑安居制度寬拓規模一新焉
制府孫公猶慮安義之醴源嘗聚寇
爲地方患發帑金創通判蔡君讓城
焉又慮建昌之潭頭清樹寇嘗爲邑
患發帑金命知縣方鐸城焉至是工
皆就緒都昌亦在所議行將城焉夫
城以衛民民既有衛則外患可除衣
食可足禮義由之而生矣何患乎善

治之弗臻耶余兩承乏是郡七年于茲恒愧無補於治拳拳以城築爲己責者有以哉茲新誌成星子教諭陳咸訓導史雲程攷訂曰可梓矣庸書以告同志者

賜進士第中憲大夫知南康府事前湖廣道監察御史吳興陳霖書于六老堂

南康府誌目錄

卷之一

沿革 郡表 分野 郡名 形勝 風俗

卷之二

疆域 山川

卷之三

城郭 橋梁 津渡 坊鄉 舖舍 堂亭 樓閣 臺池

卷之四

學校 書院 公署

卷之五

戶口 田賦 課程 物產

目錄

卷之六

職官 名宦 甲科 人物 孝行 貞節 隱逸 僑寓

仙釋

卷之七

壇壝 陵墓 寺觀 古蹟 井泉

卷之八


文類


卷之九

雜著

卷之十

詩類





南康府誌卷之一

沿革

沿者因乎昔而革者更於今也南康之地東濱吳西瀕楚九江豫章皆勢相連屬之郡故自春秋戰國以來屬此屬彼分隸不一爲鎮爲縣爲軍爲路建置無常逮我

國朝改路爲府始爲一統之定制故述其所由來以便考焉

本府

按禹貢及周職方屬揚州之域舊誌以爲界於荆揚二州蓋本七國方輿誌所謂吳頭楚

卷一

尾也以書考之淮海惟揚州彭蠡既豬而是郡正面彭蠡則屬揚州之域明矣春秋爲吳楚地而天文爲斗分野戰國屬楚秦屬九江郡漢爲海昏彭澤二縣地屬豫章郡晉屬潯陽郡宋齊因之隋唐屬江州五代楊吳置爲星子鎮屬江州德化縣宋陞鎮爲縣仍屬江州太平興國間相國張齊賢轉漕江表請就邑置軍詔曰南方之俗其在康哉因得名南康軍以星子爲附郭割洪之建昌饒之都昌隸焉屬江東道元改爲路屬江西省增置水軍上萬戶府領兵鎮禦至正間草寇攻江州

是軍因無城池被陷偽將邢萬戶侵據半載
本路吏周機儒士黃虞等共率義兵復之卒
爲所害江西僉事韓準來招撫萬戶即遁準
尋以陞職去廬山寨將張野雞遂出據之既
而爲偽將陳友諒所降辛丑八月

國朝天兵下江州遣同僉邵伯忠招安友諒野雞退
遁改爲西寧府壬寅僞相胡廷端遣員外郎
劉原善歸附

國朝遣行省官署郡事復爲南康府隸江西布政司
領四縣

星子縣

附郭沿革見本府編戶二十九里

都昌縣

在府東一百二十里春秋戰國皆爲吳楚地
秦屬九江郡漢爲鄡陽縣屬豫章郡晉屬潯
陽郡唐武德爲都昌縣以其南連南昌西望
建昌下接都村故名也屬浚州浚州廢後屬
江州大曆間徙治彭蠡湖東屬饒州宋置南
康軍始改屬焉元因之至壬寅歸附

國朝仍爲都昌縣屬本府編戶五十九里

建昌縣

在府治西南一百三十里本漢豫章郡海昏

之地東漢分置建昌縣尋析海昏建昌置新
吳永脩縣晉併海昏入建昌皆屬豫章郡隋
改豫章為洪州唐改為南昌州又析置龍安
永脩新吳三縣後併析不一宋太平興國七
年置南康軍始割而屬焉元陞為建昌州十
五歸附

國朝仍為建昌縣隸本府正德十二年析安義等五
鄉為安義縣編戶七十七里

安義縣

在府治西南二百五十里建昌之安義小鄉
南昌依仁控鶴五鄉去縣一百餘里依山據
洞賊黨叢援難於控制正德十一年知府陳
霖建議割前五鄉為縣以便統攝縣名安義
屬本府里五十六按察司副使宗璽奏行撫
按衙門勘明區畫建立焉

郡表

前此無所考自唐虞以後迄于
國朝歷表其世代分屬而為之圖一披閱而數千年
之沿革可考也

荆

揚

吳

虞夏商周

二

春秋

楚

之

地

域

屬

星屬江

隋唐

江州

五代南唐子州德

鎮化縣

朱

子

陞鎮為康屬江東道

縣

縣統于軍統星子都

江州昌建昌縣

元

南

陞路屬江西

康

行省統星子

路

都昌建昌三

縣

八卷一

四

太平興

太平興國

星

國三年南七年置軍

皇明

南康府

國初改西寧

尋改南康統

星子都昌建

昌安義四縣

分野

按天文星紀鶉尾以負南海其神主於衡山
本郡爲荆揚之域則宿在斗分星在星紀時
曰丑吳分野也

郡名

匡廬以山名 星渚以地名

形勝

金城千里固拱關中長江天塹險限江左國
之資於形勝也尚矣是郡背山面水形勝誠
有足稱者焉

控五嶺而壓三吳匯岷江而渚彭澤

樓賢寺記

廬山南國之德鎮

梁元帝

匡廬奇秀甲天下

謝靈運飛峯上靈秀衆壑下清美

朱文公詩

千山擁廬嶽百水會宮亭

宋徐俯詩

風俗

人性本一而風俗則殊顧導之者何如耳是
郡風俗其見于諸述作者可考焉

庭少爭訟獄少繫囚

文公墨迹

挹先儒淳固

慤實之餘風

呂祖謙白鹿洞記

俗樸訟稀民

貧土瘠

宋黃唐謝表


民淳事少號為江東道

院陳篆軍治記

好勤謹尚儉素素稱為周朱

過化之地

舊誌



南康府誌卷之二

疆域

環千里以爲郡者古制也然地遠則政教病於難通民隱苦於莫察是以不能皆千里也南康比之他郡爲小然考之塗山朝會之日則既大矣

本府

延一百七十里

南至南昌府新建縣界一百二十里

北至九江府德化縣界五十里

袤二百六十里

卷二

東至饒州府鄱陽縣界二百里

西至九江府德安縣界六十里

星子縣

延一百七十里

南至南昌府新建縣界一百二十里

北至九江府德化縣界五十里

袤一百里

東至都昌縣界四十里

西至九江府德安縣界六十里

都昌縣

延一百二十里

南二十里至湖

北至九江府湖口縣界九十里

袤一百六十里

東至饒州府鄱陽縣界八十里

西至星子縣界八十里

建昌縣

延

南至

北至

袤

東至

西至

安義縣

延

南至奉新縣界三十里

北至建昌縣界四十里

袤

東至南昌府新建縣界三十里

西至南昌府靖安縣界二十里

山川

泰山巖巖魯邦得稱形勝北流活活齊地亦
號廣饒是郡前渚彭蠡沃日滔天後擁匡廬

侵雲元漢則山極天下之高水極天下之廣
矣況其中之巖層嶂疊傾匝萬狀濤翻浪決
空明一碧者猶有不可得而盡言舊志亦既
摘其名勝者紀之矣但次序無倫復出疊見
今則一以其去治之遠近為序而重複者亦
刪之焉

星子縣

前山

去縣東南一里馮去疾之別墅因以自號

後山

去縣西一里與前山對峙陳圓隱此因以自號

顏家山

去縣北五里以唐顏魯公所居得名上有馮孝女墓

向家山

去縣西北五里世傳宋縣令向沅嘗遊此故名

卷二

三

王京山

去縣西七里陶潛詩云疇昔家王京李白詩云手把芙蓉朝王京皆指此

鳳凰山

去縣西南十里有流水漲還山若鳳凰一名流星山上有流清庵

東古山

去縣西南十里有東古寺麓有釣臺石

西古山

去縣西南十里有西古寺

朱家山

去縣北十里世傳朱弼築室於此故名

雞籠山

去縣西十五里傍有二石一赤一青望之若雞籠然

石照山

去縣西十五里潯陽記云石照山有圓石依巖明淨如懸鏡然

藍車山

去縣南十五里下有墨河

錢家山

去縣南十五里上有朱黃灝墓

廬山

去縣西北二十里發自西川脉接岷山古名南障世傳周武王時庄伯兄弟七

人結廬脩道於此後仙去故名其山疊嶂九層崇巖萬仞周五百餘里實南方